



ДОМ НАРОДА  
ПРЕДСТАВНИЧКИ ДОМ

DOM NARODA  
PREDSTAVNIČKI DOM

Зajедничка комисија за људска права

Zajednička komisija za ljudska prava  
Zajedničko povjerenstvo za ljudska prava

Broj: 03/6-50-14-12-35/17

Veza akt broj: 03/6,01,02,03-37-226/17 od 23.1.2017

Sarajevo, 3.3.2017.

BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO

PRIMLJENO: 03-03-2017			
Organizaciona jedinica	Klasifikaciona oznaka	Redni broj	Broj priloga

PARLAMENTARNA SKUPŠTINA BOSNE I HERCEGOVINE

- PREDSTAVNIČKI DOM

- DOM NARODA

Na osnovu člana 55. stav (1) i člana 64. Poslovnika Predstavničkog doma Parlamentarne skupštine BiH („Službeni glasnik BiH“, br. 79/14, 81/15 i 97/15) te člana 45. stav (1) i člana 54. Poslovnika Doma naroda Parlamentarne skupštine BiH („Službeni glasnik BiH“, br. 58/14, 88/15 i 96/15), Zajednička komisija za ljudska prava Parlamentarne skupštine BiH podnosi sljedeće

## MIŠLJENJE

### o Izvještaju o realizaciji preporuka Ombudsmena za ljudska prava Bosne i Hercegovine u vezi sa Specijalnim izvještajem o pristupačnosti radnih prostora zakonodavnih tijela u Bosni i Hercegovini osobama sa invaliditetom

Institucija ombudsmena za ljudska prava BiH, dostavila je Parlamentarnoj skupštini BiH Izvještaj o realizaciji preporuka Ombudsmena za ljudska prava Bosne i Hercegovine u vezi sa Specijalnim izvještajem o pristupačnosti radnih prostora zakonodavnih tijela u Bosni i Hercegovini osobama sa invaliditetom (u daljnjem tekstu Izvještaj).

Ombudsmeni Bosne i Hercegovine, u skladu sa odredbama člana 2. stav 3. Zakona o ombudsmenu za ljudska prava Bosne i Hercegovine, s ciljem unapređenja prava osoba s invaliditetom predviđenim Konvencijom Ujedinjenih naroda o pravima osoba s invaliditetom, i nakon provedene istrage o (ne)postojanju arhitektonskih barijera u zgradama koje koriste Parlamentarna skupština Bosne i Hercegovine, Narodna skupština Republike Srpske, Parlament Federacije Bosne i Hercegovine, Skupština Brčko distrikta Bosne i Hercegovine i Skupština kantona, objavili su Specijalni izvještaj pod

nazivom: "Pristupačnost radnih prostora zakonodavnih tijela u Bosni i Hercegovini osobama sa invaliditetom", broj P-12/16 od januara 2016. ( u daljnjem tekstu: Specijalni izvještaj).

Nakon objavljivanja Specijalnog izvještaja, radi utvrđivanja stvarnog stanja i poduzetih mjera u cilju realizacije preporuka datih Specijalnim izvještajem i u cilju realizacije Zaključka Zajedničke komisije za ljudska prava Parlamentarne skupštine Bosne i Hercegovine, Ombudsmeni Bosne i Hercegovine su proveli dodatne aktivnosti koje uključuju obilazak radnih prostorija u kojima su smještena zakonodavna tijela koja su obuhvaćena Specijalnim izvještajem, na osnovu čega je izrađen Izvještaj koji su dostavili.

Kolegij Doma naroda Parlamentarne skupštine BiH je na 41. sjednici, održanoj 1. 2. 2017. godine i Kolegij Predstavničkog doma Parlamentarne skupštine BiH na 44. sjednici, održanoj 15. 2. 2017. godine, kao nadležnu za razmatranje Izvještaja odredio je Zajedničku komisiju za ljudska prava.

Na 35. sjednici, održanoj 15. 2. 2017., Zajednička komisija za ljudska prava, u svojstvu nadležne komisije, razmatrala je Izvještaj.

Nakon rasprave, Zajednička komisija je **jednoglasno prihvatila** Izvještaj o realizaciji preporuka Ombudsmena za ljudska prava Bosne i Hercegovine u vezi sa Specijalnim izvještajem o pristupačnosti radnih prostora zakonodavnih tijela u Bosni i Hercegovini osobama sa invaliditetom, **sa zaključkom** da Institucija ombudsmena za ljudska prava BiH, obavjesti Zajedničku komisiju o realizaciji preporuka koje su sadržane u Izvještaju a Zajednička komisija će o tome obavjestiti Predstavnički dom i Dom naroda Parlamentarne skupštine BiH.



Dostavljeno:

- naslovu

- a/a